

東萊標註老泉先生文集

一

據中國國家圖書館藏宋紹  
熙四年吳炎刻本影印原書  
版框高十九·七釐米寬十  
三·二釐米

老泉先生文集目錄

東萊呂

祖謙

伯恭

編註

君峯吳

炎

濟之

校勘

卷之一

論

易

禮

樂

書

春秋

卷之二

論

洪範上

洪範中

洪範下

洪範後序

明

卷之三

論

史上

史中

史下

諫上

諫下

制敵

辯姦

卷之四

論

魯妃

管仲

三子知聖人汙

利者義之和

太玄上

太玄中

太玄下

卷之五

權書 十篇

心術

法制

強弱

攻守

用間

高帝

項籍

六國

孫武

子貢

卷之六

衡論 五篇

遠慮

御將

任相

重遠

廣士

卷之七

衡論 五篇

養才

申法

議法

兵制

田制

卷之八

幾策

審勢

審敵

卷之九

書

上書仁宗皇帝

九十條

卷之十

書

上田樞密

上文丞相

上余青州

上富丞相

上王長安

上韓舍人

卷之十一

書

上韓樞密

上歐陽內翰

再上歐陽內翰

上韓昭文

荅雷太簡



與雷太簡

卷之十二

記

張益州畫像

蘇氏族譜亭

木假山

彭州圓覺院

字說

仲兄文甫

奏議

修禮書狀

老泉先生文集目錄

先生父子文體不同世多混亂無別書律久  
亡善本前後編節刊行非繁簡失宜則既舍  
不當魚魯亥豕無所是正觀考病焉頃在上  
牽得 呂東萊手抄凡五百條篇皆可誦習  
為務式者因與同舍校勘訛謬初為三集逐  
篇指摘關鍵標題以發明主意其有事逐隱  
晦又漫而註釋之誠使一見本末不遺義理  
昭晰豈曰小補之哉鼎新作大字錄木與天  
下共之收書賢士伏章壑鑿紹熙癸丑八月  
既望從事郎桂陽軍軍學教授吳炎濟之泐

新校正老泉先生文集卷之一

論

東萊口

伯恭編註

○易

自此至詩論凡四篇皆公禮立說此篇論禮窮於易達故聖人神之以易

聖人之道得禮而信得易而尊信之而不可廢尊之而不敢廢故  
聖人之道所以不廢者禮為之明而易為之幽也生民之初無貴  
賤無尊卑無長幼不耕而不饑不蠶而不寒故其民逸民之勞苦  
而樂逸也若水之走下而聖人者獨為之君臣而使天下貴役賤  
為之父子而使天下尊役卑為之兄弟而使天下長役幼蠶而後  
衣耕而後食率天下而勞之一聖人之力固非足以勝天下之民  
之眾而其所以能奪其樂而易之以其所苦而天下之民亦遂肯  
奔逸而即勞欣然戴之以為君師而遵蹈其法制者禮則使然也  
聖人之始作禮也其說曰天下無貴賤無尊卑無長幼是人之相  
殺無已也不耕而食為獸之肉不蠶而衣為獸之皮是為獸與人

禮  
明

易  
幽

相食無已也有貴賤有尊卑有長幼則人不相殺食吾之所耕而衣吾之所蠶則鳥獸與人不相食人之好生也甚於逸而惡死也甚於勞聖人奪其逸死而與之勞生此雖三尺豎子知所趨避矣故其道之所以信於天下而不可廢者禮爲之明也雖然明則易達易達則褻褻則易廢聖人懼其道之廢而天下復於亂也然後作易觀天地之象以爲交通陰陽之變以爲卦考鬼神之情以爲辭探之茫茫索之冥冥童而習之白首而不得其源故天下視聖人如神之幽如天之高尊其人而其教亦隨而尊故其道之所以尊於天下而不敢廢者易爲之幽也凡人之所以見信者以其中無所不可測者也人之所以獲尊者以其中有所不可窺者也是以禮無所不可測而易有所不可窺故天下之人信聖人之道而尊之不然則易者豈聖人務爲新奇秘恠以誇後世耶聖人不因天下之至神則無所施其教卜筮者天下之至神也而卜者聽乎天而人不預焉者也筮者決之天而營之人者也龜漫而無理者

下者純乎天

也灼荆而鑽之方功義弓

周禮春官三師掌開龜之四兆一曰三曰義兆四曰弓兆五曰古

云經兆百二十体此言四兆者分之為四部

惟其所為而人何預焉聖人曰是純乎天

技耳技何所施吾教於是取筮夫筮之所以或為陽或為陰者必

自分而為二始

按正義云分而為二以象兩者五十一之內去其一餘有四十九合同未分是象太乙也今以四十九

分而為二以象兩儀也

掛一吾知其為一而掛之也

掛一以象三者就兩儀之間於天數之中分掛

其一而配兩儀以象三才也

揲之以四

揲之以四以象四時者分揲其數以象四時

吾知其

為四而揲之也歸奇於扚

歸奇於扚以象閏者奇謂四揲之餘歸此奇於所扚之策而成數以法象天

道歸錢取餘分而成閏也

吾知其為一為二為三為四而歸之也人也分而為

二吾不知其為幾而分之也天也聖人曰是天人參焉道也道有

所施吾教矣於是因而作易以神天下之耳目而其道遂尊而不

廢此聖人用其機權以持天下之心而濟其道於無窮也

禮

此篇論拜起坐立聖人使天下尊其君父兄之微權

夫人之情安於其所常為無故而變其俗則其執必不從聖人之

始作禮也不因其執之可以危亡困辱之者以厭服其心而徒欲

主意

俯首屈膝以為禮而謂之拜

拜不可得而示之耻

使之輕去其舊而樂就吾法不能也故無故而使之事君無故而使之事父無故而使之事兄彼其初非如今之人知君父兄之不可也而遂翻然以從我者吾以恥厭服其心也彼為吾君彼為吾父彼為吾兄聖人曰彼為吾君父兄何以異於我於是坐其君與其父以及其兄而已立於其旁且俯首屈膝於其前以為禮而謂之拜率天下之人而使之拜其君父兄夫無故而使之拜其君無故而使之拜其父無故而使之拜其兄則天下之人將復嗤笑以為迂怪而不從而君父兄又不可以不得其臣子弟之拜而徒為其君父兄於是聖人者又有術焉以厭服其心而使之肯拜其君父兄然則聖人者果何術也恥之而已古之聖人將欲以禮治天下之民故先自治其身使天下皆信其言曰此人也其言如是是必不可不如是也故聖人曰天下有不拜其君父兄者吾不與之齒而天下之人亦曰彼將不與我齒也於是相率以拜其君父兄以求齒於聖人雖然彼聖人者必欲天下之拜其君父兄

拜者聖  
人前禮  
之微權

發聖  
意

何也其微權也彼爲吾君彼爲吾父彼爲吾兄聖人之拜不用於  
世吾與之皆坐於此皆立於此比肩而行于此無以異也吾一旦而  
怒奮手舉挺而搏逐之可也何則彼其心常以爲吾儕也不見其  
異於吾也聖人知人之安於逸而苦於勞故使貴者逸而賤者勞  
且又知坐之爲逸而立且拜者之爲勞也故舉其君父兄坐之於  
上而使之立且拜於下明日彼將有怒作於心者徐而自思之必  
曰此吾嚮之所坐而拜之且立於其下者也聖人固使之逸而我  
勞是賤於彼也奮手舉挺以搏逐之吾心不安焉刻木而爲人朝  
夕而拜之他日折之以爲薪而猶且忌之彼其始木焉已拜之猶  
且不敢以爲薪故聖人以其微權而使天下尊其君父兄而權者  
又不可以告人故先之以取嗚呼其事如此然後君父兄得以安  
其尊而至于今今之匹夫匹婦莫不知拜其君父兄乃曰拜起坐  
立禮之末也不知聖人其始之教民拜起坐立如此之勞也此聖  
人之所慮而作易以神其教也

此篇論禮節之後世之不信故濟之以樂

禮之始  
作難而  
易行

禮之既  
行易而  
難矣

禮之始作也難而易行既行也易而難久天下未知君之為君父之為父兄之為兄而聖人為之君父兄天下未有以異其君父兄而聖人為之拜起坐立天下未肯靡然以從我拜起坐立而聖人身先之以取嗚呼其亦難矣天下惡夫死也久矣聖人招之曰來吾生爾既而其法果可以生天下之人天下之人視其嚮也如此之危而今也如此之安則宜何從故當其時雖難而易行既行也天下之人視君父兄如頭足之不待別白而後識視拜起坐立如寢食之不待告語而後從事雖然百人從之一人不從則其勢不得遽至乎死天下之人不知其初之無禮而死而見其今之無禮而不至乎死也則曰聖人欺我故當其時雖易而難久嗚呼聖人之所恃以勝天下之勞逸者獨有死生之說耳死生之說不信於天下則勞逸之說將出而勝之勞逸之說勝則聖人之權去矣酒有鴆肉有董然後人不敢飲食藥可以生死然後人不以苦口為諱去



禮所不  
及神之  
以樂

其鳩徹其董則酒肉之權固勝於樂聖人之始作禮也其亦逆知其執之將必如此也曰告人以誠而後人信之幸今之時吾之所以告人者其理誠然而其事亦然故人以爲信吾知其理而天下之人知其事事有不然者則吾之理不足以折天下之口此告語之所不及也告語之所不及必有以陰驅而潛率之於是觀之天地之間得其至神之機而竊之以爲樂雨吾見其所以濕萬物也日吾見其所以燥萬物也風吾見其所以動萬物也隱隱欲欲而謂之雷者彼何用也陰凝而不散物蹙而不遂雨之所不能濕日之所不能燥風之所不能動雷一震焉而凝者散蹙者遂曰雨者曰日者曰風者以形用曰雷者以神用用莫神於聲故聖人因聲以爲樂爲之君臣父子兄弟者禮也禮之所不及而樂及焉正聲入乎耳而人皆有事君事父事兄之心則禮者固吾心之所有也而聖人之說又何從而不信乎

詩

此篇論禮窮於強人故聖人通之以詩